

5TH SITTING ON TUESDAY 21ST MARCH, 1989.

PRESENT

PU HIPHEI, Speaker at the Chair, 8 Ministers and 10 members were present.

BUSINESS

LEGISLATIVE BUSINESS

Bills for consideration and passing.

Dr. H. THANSANGA, Minister in-charge Parliamentary Affairs Department, etc. to move-

That the Mizoram Salaries, Allowances and Pension of the Members of the Legislative Assembly (Amendment) Bill, 1989 be taken into consideration.

ALSO

to move that the Bill be passed.

SPEAKER : Kei erawh chuan LALPA lam ka en ang a; ka chhanda Pathian chu ka nghak ang; ka Pathian chuan mi ngaithla dawn a ni.

Mika 7:7

Tukin chu zawhna kan nei lova, kan neih chhun chu Chief Minister chan a nih a vangin a lo thlen kan nghah a ngai ang a; tin, zawhna kan nei tlem deuh reng reng a, a lo lut kha kan hriat angin a zawh hur tur leh zawhna siam ni kha dan angin ni 15 a ngai a. Mahsela, chuti chung chuan a then chu Minister Concern te rawnin engemaw chen chu kan admit tho a, tukinah erawh chuan kan nei lo a ni, Chuvangin kan Business pahnihna turah kan kal mai ang a, chu chu Bill a ni.

PU LIANSUAMA :

Pu Speaker, zawhna a hun dik taka kan thehluh Department te n a anmahni mualpho hret an hlahv vanga tihkhaw-

tlai hi tunhma atang khan nei zauh zauhni ka hria a, hun hmasa phei kha chuan tiang hi ka hlauhthawn avangin Session hriattirna Governor in a chhuah hma atangia kan Assembly Secretariat a thehluh pawh hi ka nei thin a, kan darah khan ni 15 hma lam a ni tur a ni tih a ni nain Session koh leh Session ni tak hi rin aini a zim thei a, chuvang chuan advance tak pawhin zawhna dahluh ka nei thin a, chu chu kan Assembly Secretariat a mite hian Department hnenah an forward ta a, chutiang case tur thleng a chhanna hmuh theihloh kan la nei a ni. Chuvangin khawngaih takin tunnu ah chuan kan Department tin te hian zawhna hi a rang thei ang bera he Assembly Secretariat-ah hian rawn furnish tawh thin turin ka ngen a, muang chang lo sela chuan kan zawhna tam tak kha lo thleng hman tawh a rinna ka nei tlai a, c chu chu tunnu zelah fimkhur turin min chah sak turin ka ngen a nhe.

PU ZOSIAMA PACHUAU : Pu Speaker, hei kan P.A.C. ah khan kan sawiho lo a, Programs lo la kal tur kan hre chiah lo a, kan tih tawh chinah hi chuan Parliament a 52 Amendment growing of age kha hetah kan House-ah adopt tur a ni a, engatinge tunah hian step lak a awm loh? (Speaker: Ratification i tihna em ni?) kan State hian adopt a ngai a ni. (Speaker: Adopt tihah Ratification pawmpina em ni?) Ratification a nih dawn leh dawnloh chu thu hran a ni a, kan House-ah hian a lut tur a ni a, hei State dangah an ti vek a, keini hian kan ti h hauh lo a ni. (Speaker: Kan ti dawn nia.).

SPEAKER : Nichina kan Member zahawmtak Pu Liansuama sawi kha Minister ten lo hria se, zawhna chhan loh hi tum lo i la, chhan hram tun nisela, Member ten zawhna an siam tawh chhan loh a awm hi mipui tan a dik lo a; chuvangin an rawng kan bawl mipuite tan zawhna chu chhan hram nisela. Tunah Mizoram Salaries Allowances and Pension of the members of the Legislative Assembly (Amendment) Bill, 1989 hi House a ngaihtuah atan Dr. H. Thansanga Minister in-charge Parliamentary Affairs in a rawt ang a. Tin, chumi hma chuan puantur pakhat a awm a, tihdikna an nei a, clouse 4-na-ah khan a member shall be paid constituency Allowances of 1,000/ser mensem tih kha hetia chhiar tur hi a ni. A member shall be paid costituency Allowances of Rs 1,000 per mension and he shall be entitled to Constituency Allownce of Rs 1,000 per mensem tih tur a ni a., chu chu clouse 4-na-ah khan contingency Allownce of Rs 1,000 per mensem tih kha hmah pah a ni a, chu chu tih dikna kan rawn siam a, in dawhkan ah khan kan dah mai a, in hmuh kan beisei a, tichuan khawm tih dikna nen khan kan Minister in-charge Parliamentary Affairs in he Bill hi ngaihtuah phalna House han dil sela.. A-mah i lo ko ang u.

Dr. H. Thansanga : Pu Speaker, Mizoram Salaries, Allowances and Pension of the Members of the Legislative Assembly (Amendment) Bill, 1989 House a ngaihtuah turin phalna ka rawn dil e.

SPEAKER : Kan phalsa-k mai em ? (Memberte phalsak mai e). Kan phalsak chuan A ni khan engemaw hrilhfiyah ngaite a neih lem loh chuan Memberte kan ko thei mai a, a pawimawh zual kan sawi duhte a nieh chuan sawi turin i lo ko hmasa ang.

DR. H. THANSANGA : Pu Speaker, He Bill hi a danglam teh vak lo a, nimin lamah kan sawi tawh a, a tum chu Objects and Reasons-ah khan a awm a, Tin, financial memorandum a awm bawh a, khang kha nakinah a la sawi theih tho a, heng hi nimina kan sawi ang chi bawh kha a ni a, hlawh tihpunna ni lo in tihtlemna a ni a. M.L.A.-te hlawh hi Rs. 500/- in tihtlem a ni dawn ta a ni. Chumi rawtna chu a ni mai a, amaherawhchu chumi rual chuan Pensionna erawh hi chu Rs. 1000/- maximum ni thin kha Rs. 1500/- ni tawh sela chumi awmzia chu member term khat lo ni tawh, Kum (5) term zo chiah lo mahsela thlantlin a nih a term laklawh a bang emaw tawp emaw thiat emaw lo ni ta se, chu pawh chuan minimum Rs. 800/- chu pension nan a hmu reng reng anga, Assembly term leh a thlantlin a nih chuan a term hnihna atang chuan Kumtin Rs. 500/- in a pung ang, mahse hei hi Rs. 1000/- ah a tawp a; he maximum Rs. 1000/- 1000/- hi Rs. 1500/- nisela tichuan member inthlan a piang a tling chho ve zel wawi nga tling chuan a maximum a hawlh thei dawn a, vawinga a zawn a tling ni kher lo, a khaih lak pawh a vawinga an tlin chuan chhiah zawn theih tho a ni. Tum nga thlan tlin chu Pathian malsawna nasa tak a ni a, Rs. 1500/- hlawh thei awm se tihna a ni mai a, tumkhat chauh thlan tlin a nih chuan Rs. 800/- ah a tawp vang vang thei tho a, mi vannei leh mi thei bik te tan kawng hawn sak a tha awm mange tih a ni a. Chuvangin Pension chu Rs. 800/- atanga Rs. 1500/- a tawp kha a ni ta a ni. Tin, section 4 amend na-ah hian Constituency Allownce/- ni thin kha Rs. 1000/- a ni ta a ni. Tin, Constuency allownce kha chu a ngai Rs. 1000/- a la awm a, amaherawhchu thildang eng eng emaw postal-te, telephone-te, water supply te, khatiang a tan siam hrampa awm tawh lovin constituency allownce a tan Rs. 1000/- a ni tawp mai, Section II na ah khap facilities member ho hnena pek kha telephone te tih dan kha a hmasa ah khuan a awm a, khatiang neuh neuh kha facilities dang ti a thlak a ni a, tah chuan a pawisa a dah a ni ta lo. A pawisa a dah hian a hmang tam leh tam lo pawh kan in ang thum mai a, mahse kan hman na lamah a in thlau si a, chu chu tih.

anglam a ni a, nakinah member zahawm tak ten an han sawi ang a, an sawi dan atangin a sawi dan tur chu a lo lang in ka ting a, chung chu a tlangoui chu ani mai he Amendment-ah, hian Rs. 500/- in a pawiss kha a tla thla a, tin, pension erawh chu a maximum a sang thung a ni.

SPEAKER :

Sawi tur nei chuan han teh u le, in sawi loh chuan k pass thei mai dawn a, Pu Liansuama han sawi sela.

PU LIANSUAMA :

Pu Speaker, tuna kan minister

zahawm tak in a rawn sawi ang khan, kan hlawh ding lai nimina kan sawi ang khan ennawn a nih

lai mekte pawh khan hnialna engemaw zawngin kan ngah ang reng yiau a, a Minister leh Speaker lampang chi hlawh niminah kan ching fel zo tawh a, wawinah hian memberte hlawh chinfel leh tur, tih hniam tur a nih rual hian vanduaina tawh te chung chang thu ah belh kan nei hi lawmawm ka ti a, tawngkhawlo ni hauh suh selangin, hei wawinnih kan ram boruakah te leh hun kal tawhah te pawh M.L.A. te kan in that duh a ni a, tin, inthah kher lo ah pawh vanduaina tawh palh theih a ni a, tun tuma kan House a member 40 zingah pawh hian kan term a ral hmam tute pawh hian vanduaina tawh lo boraita ilangin, chumi chungchang chu ah chuanin chu M.L.A. te chhungkua nupui fanau chu an hrilhai lutuk dawn a tiin gravity kha dah a nih kha lawmawm ka ti a, Pathian zarah hetiang chhiat hi tunan kan tawh em lo in beisei ila, tin, chutih rual chuan M.L.A. kum 20 lai a zawna lo ni thei te, an pension na Rs. 1000/- chauh lo ni fo leh hei tunah chuan Pu Saikapthianga Kawrthah bialtute nen hi chuan maximum kha kan hawh daw tawh mai a, (pension kha) kan beisei dan tak phei chuan kan ni dawn chauh ni hian kan hre si a, chuwang chuan Pathian leh mipuite zarah Kum 20 lai M.L.A. lo ni thei te, a ceiling a hniam lutuk kha dik thei lo in kan hris a, chu chu kan Parliamentary Affairs Minister ho pawhnikan han sawi kan han sawi a, a tha ang e hetiang vanneina Pathian malsawma leh mipuite duhsakna dawng hi zawng an vabg dawn em mai tiin a maximum Rs. 1,000/- atang khan Rs. 1,500/- ah dahchhoh a nih kha lawmawm ka ti a.

Pu Speaker, hei chutih rual chuan an nichina ka sawi ang khan tuna kan Amendments a lan jar mai chuan sorkar in Ngopa bialtu zahawm takin a rawn sawi leh mai thei a. Amaherawh chu, nimin khan chanvo tha kha a duh em a, a ni hi Pathian leh mipuite zarah a la re-pawl turah dah ta ila, a lak phak ngei tur kan dah sak a ni. Tin, chutih rual chuan lawmawm ka tih em em ka tar lan

tawh kha, vanduaaina sorkar hnathawk emaw pawhin an tawh t thut a, tahchuan an hlawhpui a zirte, an service tawh dan a zir te in gratuity sorkar in a ral na kha pension tel lovin a awm thin a, MLA te chungchang ah chuan tunah kan dan neih mek ah hian, MLA te kan pension in, chu kan pension hnu chuan boral ta palh ila tumahin an chhawm thei lo a ni, Sawrkar ah erawh chuan chutiang a ni lova, an fate kum tlin hma chuantihthe dan tesep tantak a awm a, churang chuan MLA te lo boral ta thut te, chhunge haibuai taka an awm turte tan a, a ralna sorkarin a hetiang an buctsaah ta hi lawmawm ka ti a, chumi atan chuan nichina kan sawi tawh ang khan tumah em boral kan awm lo a nga, sorkar pawhin seng lo turah ring ila. Amaherawhchu, thut thil a hetiang inenna hla tih ngei chi ah kan ngai a ni. churang chuan he Mizoram MLA te hlawh tihhnianna hi sawi sawi ngai lova pass mai chi niin ka hria a.

Tin, chulo leh ah chuan Pu Speaker hmama kan dan neih hmasakah khan MLA te telephone chungchang thute, water connection chumi khami tihte kha a awm duma, a remchang lo viauva, hei tunlai chuan telephone te pawh Mizawl khawchhunga-h chuan a lo tha ta viau va, \* MLA chauh nilo, thenawm khawveng zawng zawngin kan tangkai pu ta hle a, churang chuan tuna facilities kan tih mai hi a MLA te tan bik nilo kan aiawh mipuite tan a zarzo na ruahman a ni a. Heng zawng zawngte han ngaihtuah chuan, vanneihthlak dawn hle in ka hria a, thenawm khawvengte leh mipuite tan, churang chuan sawi tam vak lovin kan Bill hi a pu lut tuin a rawn put luh ang khanin passed thuai mai ila ka ti deuh va, ka duh dan ka rawn sawi lang a ni, ka lawm e.

\* Zualka kal nante pawh hian a lo tha viau va.

PU VAIVENGA :

Pu Speaker, kan hlawh chungchang hi hei tunah a tih tlem kan han sawi leh ta a. Nimin Bama Minister te hlawh tlem tur thu kan sawi tawh a, kha mi ah pawh khan member zahawm takten, a chhan te a vangte an sawia. Tunah pawh hian hei hlawh tlemna chungchang thu kan han sawi a, kan rilru ah hian kan hriat chian tha in ka hriaa, keini Congress pawl hi kan lo sawrkar leh chuan, kan hlawh hi kan titem ang tih mipui hnenah kan tiam a ni a. Tunah hetia kan tiam ang ngeia kan lo sawrkar theih a, tin, hlawh pawh titem leh thei a kan lo awm hi Pathian malsawma a ni a.

Engvanga hlawh tlem hi sawi ngawt nge kan nih tih chuan mipui tana rawngbawli tura thlem chhuah kan ni a, kan hlawh hi tam hrim hrim se ti kan pi lo, amaherawhchu, kan rawngbawlsak tur mipuite chanv lam pang kan zuk thir khan, keini hlawh hetiangang a a lo pun thut a, mipui lama harsatna a awm hi the kan ti lo. a ni a, tichuan tunah keinin heti laia member han thu ho te pawhin thlatin Rs. 500/- velin kan hlawh hia lo tlem

dawn ta a ni a, chumi Rs. 500/- a chu kan belh khawm thli-  
ah thliah chuan a lo tam tham ve viag dawn a, chung a chu  
mirethei zawkte tana hman tur a tan a kan duan a ni a.

Tin, pakhat leh a h chuan keini  
kan lo sorkara thil ganglam tak mai lo awm chu, T.A. chun-  
gchang hi a ni leh a, tunhma khan member tinte hianin  
mahni biala khaw hla ber atanga, chu chu mahni Headquarter  
ah hmangin T.A. Bill a ni thin a. Tunhma kan lo bre thin  
a, thenkhatte chu Sakawr chungah te an chuanga, lui kan  
awm hauh lo te pawhin lawnglengte an hmanga, a tam thei a  
ang ber T.A. kha Bill an tum thin a. Amaherawhchu, tunah  
hian chuan keini chuan inthlan laia candidate kan nih a,  
kan address dik tak kan awmna khua theuh kan theihluh kha  
mi ang chiah khan, kan residence pawh i puang ang kan tia.  
Tichuan hei member tam zawk te chu Mizawl khua vek kan ni  
ta a. Tunhma anga kan ngaihtuah khan chuan T.A. chungchang  
thu ah pawh hei Assembly turte, committee hrang hrangahte,  
khan, T.A. tamtak han Bill turte pawh kha, kan member  
tunhma anga han ngaihtuah chuan, pawisa an hlawh dawn a  
ni a, chung ang te han ngaihtuah chuan he keini Congress  
pawlin kan din chhan, kan in ngahna miretheite lam hawi-  
in kan sawrkar hi i kal pui ang u, kan tih thin a kha ha  
kan hlawhpui kan siam that taka hianin, a hniam zawng  
mahni hlawh chungchang thu han sawi theih ngata te hi a ro  
pui hle in ka hria a. Chuvangin he kan Bill a hi keimani  
tan a hlawkna ni lova kan han kal thei hi a lawmawm hle  
in ka hria a. Chuvangin kan Minister zahawm takin a Bill  
hetiang tha tawk tak mai a rawn siam chhuak hi lawmawm  
ka ti a, chulai tlemte chu ka han sawi ve duh a ni .  
Ka lawm e.

PU BAWITLUANGA : Pu Speaker, hei vawin ni a kan  
Bill passed tur hi ngun taka  
han chhui in, kawng leh lam ak  
chuan mahni chanpual kan tihnam  
dawn a ni ber mai a. A lungngaihthlak hle in ka hria a,  
hei State a kan han awm hian tunlainn hei sawrkar ti  
luhai tu ber leh, kan sawrkar hnathawk a lian a to a,  
lungawilohna an sawi ber a chu an hlawh tlem lutuk pun an  
duhna a ni ber a eng anomoly an ti nge ni, an han din a  
chung chuan an han endika, an endik poh leh an ching buai  
an tih chu, chutiang ang chuan an lungawi lo a ni a. Nimit  
hun kal ta a kan han sawi rik zawng zawngte, tin, college  
chungchang kan han sawi rikah pawh khan hlawh chung chang  
a ri tam hie a. Tin, helai kan Minister te, kan MLA-te  
zahawm tak pawhin an hun kal tawha experience an neik a,  
hlawh a zuan chhoh dante leh tunlai din hmunte chan thei  
zia an sawi langa, mase chumi a pawh chu thil tamtak  
en tur awm in hlawh san Zirtirru lam ah te la sawi chuan  
fo a ni a, mahse khawvel harsatna min a an pek lai a, si  
leh bar man a to va Blade mante non lam a ato thu nimnah  
tih chhuah tawha ni a. Chutihlala keinina kan hlawh tan

han tikiang hi mak ka ti a. Tin, a mak chang ni lovin Congress Party leh roreltute hi an a ta emaw ni aw, tih chang kan nei a, Term hmasa lah khan mahni seat a tlak thlakna tur zawngin kan phe chiam tawh mai bawk a, khati khawp khan kan bei a, chutah mahni party chhungah pawh nagg i muang a ni, i che tha duh lo a ni ti te hial in kan in nawr a, khatiang ang khan mahni lalthutthleng kan namthlu tawh bawk a. Tichuan kawli a lo eng dawn dek dek a, tahrik ni tam pawh M.L.A. kan la ni Hhiam lo va, chutih-lala mahni hlawn tihnam tura theitawp a tan a han lak leh chu, tunlai khawvel nen chuan inmil lo tak a ni. Chuti- iang ang chu kan dinmun a ni hlawn a.

Tichuan in helai ah khan, hei facilities tiin kan han thler thla ve duai a, telephone te kan han ti a, telephonte hi a tangkaia, nichina Phuldung- sei bialtu zahawm takin a rawn sawi ang khan, tunlai ah phe- ei chuan telephone chang a ni lova, Radio thlengin zualko- ah kan hmang tawh achhiat chung chhangah te, that chung ch- ungchangah te pawh, chuti khawp chuan a tangkaia a ni a. Amaherawhchu, Telephone facilitieste kan han ti a, Tahchu- an Sorkar senso a ni ang a, ti ten kan han hlei thla ve du- aar a, mahsela chu telephone a pawh chu Central subject eamw a lo ni leh a, hei keipawh ka han dil ve a, mahse limawnga thlak ang vang vang a, ni mai a, a ri vang vang mai a ni.

Hei Central lampang mi P & T-te leh heng ang ho hi chu helai a, kan Secretary ten thahnem ngain dak kha thawn chho zut mahsela, riva a nei chuang mang lova, chutiayangang chu ni in leh nang i phone a tha em kei chu nimin ata a tha lo leh ta, thlahnih chu a ni tawh tih te kha a ri fo ta mai a. Nimin phe chu hei Assembly- ahaka han zawt kual vel a, sawlala kan hotu pakhat phe chu chuan hei a rei hle tawh a a lem ang mai a ni, kan report zing tawh a, kal me zaiga an ti renga mai a, thla tam a ral tawh a ti bawk a. Khang ang te kha facilities kan han in chhawp chhuante a ni bawk a, chutiayangang chu a ni a, hei la nei lo te kan awm bawk a.

Tin, water supply-te kan han ti a, hei thalvaekchar a ni chho dawn a, tiayangang khan in thl- i pawh kha eng ang nge ni ang, hei Aizawl khawpui chu sawi sawi ngai lovin hetiang ang hi kan harsatna hi in a awm mek a, chutiayangang zel in Electric-te pawh tunkar chu kan veng a la eng miah lo tih ang chi te, kan hmuh loh thil a kha, mipui kan phurna tam ber leh kan lungawi lohna tam ber thin si a kha, facilities ah te kan han in chhawp chhu- uph sak rem zel mai a ni a. Chutiayangang zawng zawng han in enter leh, kan hlawn tihnam turte han in en hian, mihring mihringa atang chuan a lungawi thlak loh a ni. Amaherawhchu, a lehlama, khang kan han a sawi tak zawng z-awngah te leh, nimina kan sawi tak te le h Minister-te Speaker-te leh Deputy Speaker-te hlawn kan han tan bun

sak hmawk hmawkte, Tin, vawin ni ah hei entir nan, a hmingin Lungpho bial M.L.A. ka ni a, thlatin cheng 500/- a kha min lo hlethlak sak tur ni ta ang sela, Chu Rs. 500/- a chu ka bial a kal tur ang a lo ni ta a, tichuan hmeithai pakhat Pawh lo chawm dawn ta ila Rs. 500/- chu eleuhin a ei than vein ka ringa hmeithai pakhat tan chuan. Chuvangin mhiring ngaihtuanna atan chuan, a lungawi loh thlak kan tih rual rual khan, rorelna kan han tih ram ka hmangaih kan han tihte, mipui kan hmangaih kan han tih te. Tin, mirethei leh chhunchhiate dinhmun kan chawisang ang kan han tihte. A nih tak takna thlarau nen in pekna atang lo chuan, he thil hi thei niin a lang lova. Chuvangin vawin niah ka han sawi lan duh ber chu Pu Speaker, he Congress Ministry-ina hetiang ang mahni pawhin a tawrhna tur khawp atana, ram leh hnam tana a in pekna, tha leh zung leh mipuin a hmuh loh kar a in pekna chu sawi loh, a sawrkar ang ngei pawha ziaka hmuh tur, chhawm chhoh tur, lehkhabu a nomnghet seal nen chhawm tura, chutiang ang in pekna, hlawh hial pahthlak duhna rilru pua vawin ni a pharh chhuah a lo ni a, kan han passed a, kan han pawmpui chho tur hi lawmawm ka ti a, kan hun kal zelah pawh unau dangte, hei vawin ni a lo lang lo te pawh hian, a kawng lehlam a an hlawh lo tih pun sak tawh, kan cut sak duh yanga, lungngai lo kal duh lo nge an nih a, engnge an tum bera pawh hi a hriat theih tawh lova, han zawt ila an kal rang ang vuta, ka hre bik lo an ti a, chutiang ang mai mai chuan kan sawrkarna kan in nuai chho a ni a. Chuvang chuan an ni pawh hi hei Ngopa bial MLA pawh hian han chah sela, vawin niah rorelna a mipuite tana thil tha tur, helai Assembly a hriat reng tlak passed-na tur niah an hmel a lo lang lo te hi pawh kan ti em em a ni. A bik takin Lungpho bialtu ML<sup>a</sup> chuan pawh a ti zual a ni, tih kha han hrih la, hei ML<sup>a</sup> roreltu anga an bial mipuiten an thlan a kha an phatsan ta a. Opposition a an thu emaw ruling a an thu emaw, khami a kha bial mipui in a an thlanna a ni, roreltu a kan duh theuh, mahse a thut vek theih loh, mahse roreltu an ni tlat a ni. Chuvang chuan roreltu a an thutna te Ngopa bial hi ka faka, hei a ti hram hram a, House pawhin finna tam tak a neih phah a, a harh phah a, hetiang ang a seet ruak thut mai a an awm, cheng ang a hi lo kal tawh se kan duh a. Chuvangin heng ang ni lawmawm thil hriat reng tlak Congress sawrkarna in a han duang chhuak a, House a kan pawm tlan tur te hi hmutlang thei ila, mipui kan hmangaih a, ram kan hmangaih anih chuan kan election mani-festo a mipuite hnena kan thutiam kan tih hlawhtlinna ni-te hi a ropui a, chung ang chu hmutlang thei turin min han rawn sela, Pu Speaker ka ngen hngal a, tichuan vawin ni-ah kan thu passed a hi, ML<sup>a</sup> te dinhmun atang chuan khawvel mhiring ngaihh chuan a lungawi thlak lova. Amaherawhchu, ram hmangaihna thlarau lampang zawkah chuan kan tih ngei tur leh hlimawm tak thlarau changa nemnggeh pawh ni thei se, ka duh thu ka rawn sawi a, ka lawm e.



PU SALAWMA  
MINISTER.

Pu Speaker, vawina kan dan siam tura hi, a ropui hlein ka hria a, 1937 khsn Ministry hmasa khan Assembly hmasa khan dan a lo siam a; hemi hi ka hriattirhin mak ka ti hle a, vawin ni ah hetiang hunremchang pathian in min siam sak hi ropui ka ti hle a ni. Hei Mizoram hi state puitling ah chuan kan ham awmve tak na a, kanin todelh lo em em a, tun ah hian kan revenue kanin chawmun ve na tura, kan hmuh zat te kan hriat pheh chuan India sawrkar Central Central sawrkar ina min han tanpuina hi zahthlak tham khawpin a ropui a, tunah hian kan revenue hmuh tur a kan tar te chu kumin ah pawh hian, Rs.15,000,000/- (Vaibelchhe sawm pa nga) chauh a ni a.

India sawrkar in a mintanpui na leh a hranpa a minrawn peka hi vaibelchhe zathum leh sawmthum pariat leh point sawmriat leh pasarih zet a ni a, chutiang khawp chuan kan in todelh lo a ni, hemi hria hian kan ram hmasawn na tur chung chang ah hian vawin ni a ruling party abikin Congres party te hian, tun hma hun kum 20 kal ta a tang khan ngaihtuahna tam tak an lo seng tawh a. Chuvang chuan he sawrkarna changtu party in a, policy leh programe in nghat a party an lo kalpui na kawngah hian vawin ni a hlawhtlin na rahbi khat kan tawng tur a hi ropui hlein ka hria a, Hei kan hlawh tur kan belh khawm hian, mire thei te hnena, keini rawngbawl tu in ti te, ram hnar kaitu in ti tena, dan hmasa an eiral zat a kha a tam hle a, sawrkarna changzel ta sela, mipui rethei te te ina kan thawh khawm kha, kumtin maktaduai khat leh nuai sawm ai a tam mah an lo eiral dawn a lo ni reng mai a, vawin ni ah hian chumi chian nan chuan hei MLA te Minister nilo, sawmnhipariat (23) tluk an awm ta a, chumi a chuan kum nga (5) chhunga mirethei te hnen a pawisa sem tur he mi hlawh a tang a, kan cutsak a tang a awm chu nuairiat leh singli zet a lo ni ta mai a, a tam tham hle a ni. Tin, chubak ah nimin lam a kan passed tawh Ministerte sawmpahnih rual speaker leh Deputy Speaker te nen lo awm tasela, maktaduai khat leh singriat zet a lo ni a.

Tichuan, maktaduai khat leh singkua leh nuai kua leh singhnih a kha, kum 5 chhung hian hian miretheite hnen ah, hmasawn na programe a tan, sawrkar thar hian hma a la thei dawn ta ni. Vawin ni ah hian kan dan siam a hi chu mi chuan, mirethei te chhan chhuah na tur hna a thawhna tur a pawh kha chuvang chuan a ropui hlein ka hria a ni. Khawvel kan thlir hian independence Country a te india ram ngei ah pawh State legislative Assembly, keini hi state 23 na kan ni a, a la piangtur zel te nenpawh a ni ang, a piangsa tawh te a tangin, hetiang a MP a thlan ten emaw, MLA thlan ten emaw hian an hlawh tih hniam lampang dan siam hi khawvel History ah hian a la awmlo a ni. Vawin ni ah member zahawmtak te lo kal khawm hian, rawngbawlina rilru mirethei te chhan chhuahna tak tak pu a he tiang sawrkar tharin a hetiang dan buatsaihna mahni chan ai pawh, mirethei te hnen a pek duhna, rawngbawlina ril ru tak tak an han pe hi a ropui hlein ka hria a.

Lal Isua a lo kal a, a pa hnen atanga a hmuh ropuina zawng zawng a kha, khawvel mite hnenah a pek ang kha niin ka hre hial a. Johana 17:22-ah khan nangin ropuina min pek kha keiin anni ka pe ta, tih angin, vawiin ni ah member zahawm tak tak pathian khawngaihna avang leh Lalpa zara thlan tlin lo ni te hian, mipui, thlangtlingtute dinhmun khawngaih thlak zia leh retheihzia en-a amahni chan ai an pek let duhna dan siam an han duh na ringawt mai hi a ropui hlein ka hria, chumi an ropui na chu, mipuite hnenah, rawng an bawlsakate hnenah, peklet duhna rilru an pu hi ram tina, dan siamtu pawl ho thukhawma te, India ram stateahte pawh hetiang thil hi an la siam ngai lo a hniam zawng hian, Chuvangin History kan siam dawn a, he sorkar thar siam tute, Congress (i) party hian, mizoram mipuite hnenah hian, hmasawna beihpui thlak atum tak tak a ni tih a lan tirin ka hria a ni. Chubakah miretheite chhanchhuah a tumnaah kawng nasa takin a dap a, a lo tan ta a ni tih chhinchhiahna niin ka hria a.

Vawin ni ah hian mizoram rawng kan bawlnaah hian rawngbawltu zia a lanna, helajah hian a lang hlein ka hre tlat a. Tunah hian he sorkar thar hian miretheite chhanchhuah a tum danah chuan, chhungtin kawla nichhuak . chhiara, mi harsa rangva neilo, rangva pekte tunah hian hna a tan mek a. Tin, kawla nichhuak chhiara thlansa phul kaia, ei zawna ngelnghet lo tu te tan a, tanpuina tunah hian hna a tan mek baw a ni. Hengah hian emni ka ti thia, vawiin niah hian ram leh hnam hmangaihna tak tak rilru pu ila, kan oppo- sition thenkhat vawiin niah lo tel ve lo te hi, tel an chak ngei ang kan rilru ang hi pu sela, hetiang mipui zangkhai tur leh retheihna chhanchhuak tura thlan chhuah kan nihna hi hrechiana hel hel lova, ram leh hnam tana ke pen tur hian, a bik takin kan M.K.F. unau member zahawmtak takte hian hetiang rorelna hmun thupui hlapna hmun, Mizoram ro- relna sangber hmunah hian, mipuite alo tiam tawh ang a, rawngbawl tura an in pekna hi, in ngaihtuah thar sela, lo kal sela, sawih ila, Mizoram tan hmasawna programe hetah hian a awm a ni tih hria a, mipuite chhanchhuak tur a, rethei chhanchhuaktura hna kan thawhna hi rawn hre ve mawlh se tih hi, kei ka chah duh tak meuh meuh a ni.

Chuvangin vawiin niah hian kan Bill siama hi dik takin hnialkakh tur pawh a awm lo va, ka sawi tawh ang khan mipuite hnena, miretheite hnenah kan chanai member zahawm tak tak ten a, kan pekna hi mipuite tan hamthat phahna a ni ngei dawn a. A man hi a tam tham hle a ni. Chu- he thil hi sawi tam vak pawh nga lovin passed theih mai ni sela a tha hle in ka hria, hetiang thil kan sorkar tharin a hetiang a han buat saih hi a ropui in, mizoram mipui hian tlan tina mei detna khawp hial a thil lawmawm, miretheite chhan chhuahna hna, miretheite hnena an chanai an pekna hi. Histo- ry a chhinchhiah tlak kei niin ka hria a ni, ka lawm e.

PU P.SIAMLIANA  
MINISTER

: Pu Speaker, tukin zinga i thu-sawi kha i ti tak tak niin ka hria a, Pu Zosiamā ka duhsak dawn i tih kha. Thusawi theihna min pek avangin ka lawm a, hei tunah kan ngaihtuah lai mek Mizoram salaries leh allowances pension M.L.A-te chungchang thu a hi tlem kan sawikai ve zawk duh a. Amaherawhchu, ka Member pui zahawm tak takte leh Phuldungsei bialtu leh midang khan ka sawi duh thenkhat chu in han sawi chhuak tawh a. Thil pakhat ka han sawi duh ve chu "Other facilities" tih hi a ni, Lungpho bial M.L.A zahawm takin a sawi ang khan hei water te, electric te, telephone te a ni deuh duah mai a, hei hi chu kan nitin nun-dan atang pawha, M.L.A lo tan pawh kan mamawh chu a ni hranpa reng reng a, hetah belh deuhhlék ka duha chu M.L.A tam takin harsatna kan tawh chu, hei baka hi a la tam viauvin ka hria. Nagaland-ah chuan M.L.A tin ten Motor an nei a. Tin, Haryana-ah te chuan M.L.A te dinhmun an ti tha thei viau va, Budgetah pawh nuaikhat (100000) M.L.A tin tan dah a ni, an kalna hmun apianga thil tul zual va tih ve theihna turin. Hetah kan facilities tihah hian kan han zin chhuak phat mah ang a, M.L.A-ho chuan buaina kan tawh leh ang. Tuntum Session maiah pawh hian buaina kan tawng a ni, a chhan chu facilities kan neih that tawh loh avangin, a hmingin Minister-ten dinner-ah te min han dawm a, mahni nupuite hruai tur te an han ti a, a nupui nei lo te tan pawh in tawihthe tal rawn hruai rawh u, tih chang pawh an rawn nei a, chutih laia ropui taka chaw han ei na takngialah pawh khan harsatna kan tawh fo mai a ni. Tin, mahni nupuite emaw hruai a, hawn lehna lampanga tu Motorah nge, tu Carah nge, ka beh ang tih reng maia chaw va ei te hi thil nuam a ni ngai reng reng lo. Tin, hei vawiin niah pawh ro kan va rel a, Mizoram pumpui huapin thil kan tichho a, kan M.L.A tam takte tunah chuan kan Speaker khan i pe ta niin ka hria a, a lawmawm a. An kalkawngah pawh Sorkar Officer-ten eng eng emaw chinin, Motor pathum, pali, pahnih an kawh laia, heti laia Mizoram pumpui huapa, roreltute ke-a tei tei tunhma ang khan chuan awm tawh lo sela tha-in ka hria a ni.

Tin, hei Ngopa bialtu zahawm takte nen Orientation Course-in Delhi-ah term hmasa khan kan kal a, khatih laia min lo tihdan te kha a lungawithlak loh hle-in ka hria a ni. Mizoram House-ah chuan Sorkar hnathawk Officer an u te duh tawka an kal lain keini ho kha chu sawtah eng star an ti emaw ni, min hnawt phei ringawt mai a, lift-a inkhai chhoh chhung ringawt pawh kha minute 10 chuang a ni a. Chutah lah a room kan han lut a, thiani te room niawm tak takah khan min dah kual ta a. Chutah chuan hei kan Ngopa bialtu M.L.A zahawm tak pawhin a la ariat ka ring a, engnge ni a ngaihdan tiha kha ka en thli-thlai a, a thu tau ngut mai ani pawh, kan zin chhuak reng reng mai hmun tam takah pawh M.L.A ho hi thut tauh ngut ngut zan kan ngah mai a, khatah kan han kal tura pawh kha Silchar Airport atangin kan han in thlauhthla a. Tin, Calcutta-ah kan in thlauhthla leh a, Delhi kan thlen thlak pawh khan a rual lo zung mai a ni.

Calcutta-ah kan thlawh thlakte phei kha chuanin, eng nge ni Protocol kan ti dawn nge ni a luah thei chin list banga an lo tar maia pawh kha, an la thlaa, an vuakkeh phah hial a ni. Chutiang khawp chuan M.L.A.-ho hian facilities kan nei tha lo, khatah lah khan kan officer-hote hi an lo fing ve ram si a, keimaha ka experience-a ka neih ve mai mai danah chuan; thlo vel chhung vel hi chu M.L.A.-te Hobby-ah pawh hian an tha ang reng viau.

Amaherawhchu, an Pu Minister-ten, engemaw chin an neih tak hnuah hi chuan niawm takin engahmah min ngai lo deuh em ni chu aw tih turin term hmasa khan kan awm tlat mai a ni.

Tin, chutiang zelin hei P.A.C.-ah kan han zin kual ta a, chutah pawh chuan I.B.-ahte Bangalov-ahte pawh khan thlen theihna kan lo nei mang bar lova. A department Bungalow neitu apiang maia kha M.L.A. chungah khan an awm vek ringawt mai a ni. Khami va inluah-lante kha thil mawi a ni lem si lova. Lungleia-ah pawh hman-a Pu Zosiama B.A.C. Chairman-a nih lai khan kan va ka a. Chutah pawh chuan Officer-ho an lo awm si, khatilai khan keimahnin dan leh dun han tih dawnin engmah kan nei bawk si lo. Dan tlawhchhan tur a awm bawk si lo, keini a hminga Lungleia lo awmate kha chu tualchhung alawm kan ti a, kan chhungte in-ah kan riak lawr ringawt mai a ni. Chuvangin hemia facilities kan tiha hi chu a lawmawm em em a. Amaherawhchu, hemi bakah pawh hian kan neiha hi chu a tul dawn lawm ni, MLA-ten bial kan han fang a, B.D.O Motor dil dil maite hi a nuam lem lo a ni. B.D.O. chhungte lah chuan ka pa Motor a rawn hmangte min tikhum leh tawh ang lawi si a.

Tin, kan bial mipuiten in rawn zin duh lo chutiang khatiang an loti reng mai bawk a. Amaherawhzwang le keini zawngin facilities kan neih that leh bakah hlawhte kan la titem leh zel ta a, motor pawh kan hire dawn pawh ni ila Rs. 500/- kha chu an kiam sa leh ta phawt mai a. Amaherawhzwang le, hei hi kan mipuite tan liaw liaw a ni e. India ram pumpui a deficit state-te kan lo ni a, intodelh lo ber siina hlawh han tihsan hi a tha love, kan mipuite tan zawk kan tiha hi chu tha ka tih rual rual hian, a bik takin facilities chungchang thuahte hian chuan a lo belh theih lawm ni? kan mipuite tana rawng kan bawl leh zual theihna turin. Constituency-te kan nei a fan te kan duh ve a, tih, chu mai bakah kan zin chhuak t, a huho deuhthe pawhin, Officer tam takten motor pahni pahthum an kawt theih laia keiniina kan rorelna Sessior ka neih lai pawha engmah kan han nei lo lutukte hi chuan, tun-ah rih hi chuan hei min la ngaihtuah sak chho zel a, nakin-ah pawh theihngilh chi niin ka hre lova. Chumi a nih loh chuan MLA-te leh Minister-te inkar a hla tulh tulh a, term hmasa leh lek phei kha chuan kan Lalbela-te chhunggho, chhungte chhung lehchhawngateho pawh kha kan tluk lo reng reng a. MLA aini thil ka tithei zawk an ti phan phan a, keini pawh kha a hmingin Lungleia President ka chelh kawp a, chutihlai chuan kan Minister-te chhungte chhung lehchhawng pawh khan ani aini thil kan tithei an ti a. Chutianga tih tihnaah khan MLA-te tan pawh insentive-a awm lova, party tan pawh thahnem ngaih tur angin a ngaih theih loh fo chin a ni. Chu chu hemi Other Facilities tihah hian kan belh

PU ZOSIAMA PACHUAU : Pu Speaker, hlawh tihtlem chung-  
chang hian, a tauh a han tauh  
san mai a awm a, amaherawhchu,  
a tihtlem hi a tul lem lo a ni  
tih kan Member puite pawh hian an hriat theihna turin M.L.A  
dinmun ka hmaa Minister zahawm takte leh M.L.A. ten an  
sawi tawh a, han sawi belh leh hret ka duh a ni. Hei  
Rs. 3,500/- M.L.A. ten kan la a, Rs. 650/- atanga Rs. 3500/-  
kha chu a kai nasa a zuang nasa tih pawh ngai lovin a zuang  
nasa a ni, Sawi kher pawh a ngai lo, Shillong-ah thlasik  
lain a vawt tih ang chiah kha a ni a. A zuang nasa a ni,  
Amaherawhchu, zuan nasat na chhan a nei a, Sorkar hnathawk  
leh Mizoram standard of living ten hei hi a demand tlat  
a ni, tunah hian thingtlanga in tha nei deuhin, engmah  
thawk si lovin Mistiry Rs. 80/- in a ruai a, M.L.A. ten  
kan aia hlawh tam kan ruai bawk a. Thingtlang in satu  
leh M.L.A. te chu kan in ang reng a ni, kan aia hlawh  
tam kan ruai ruai a ni phawt a ni. Chuyangin a hlawh tam  
zawka te chu kan rawih mah nisela, engtingge ni ang aw  
tih kha in ngaihtuah zui thiam ve main ka ring a.

Tin, M.L.A. te hi facilities kan nei  
tha lo em em a ni. Tunhma-a kan neih that lohzia kha chu  
sawi tlak pawh a ni lova, facilities an nei tha lo ni  
lovin, an nei lo reng reng a ni. Lehlamah chuan facilities  
hi a pawimawh hle a ni tih hriain State dang dangah  
Maharashtra, U.P., Bihar-ah te chuan thlawhna tih chauh  
lovah an State chhunga, M.L.A. te leh an duh ber an hruai  
a kha free vek a ni, Lawngah te, Rail-ah te, Motor-ah  
te free vek a ni. Chumai an duh tawk lova, Maharashtra  
leh U.P-ah te phei chuan khami a State chhunga free mai  
ni lovin kumtin Km 10,000 amah leh a chhungte an zin thei  
ang, an zin loh pawhin an zin ai an la thei ang tih hial  
a ni a. A chhan chu M.L.A-te hi baihvai tur anga ngaih  
a ni a, Vairengte thleng zak kal a, Zorama hraw pui puia  
in tih leh a, engkim hria a rak a, nithum ni-a tho leh  
tur ang maia awm hi kan chin dan a ni a. Mi chu chutiang  
ang an ni hauh lo a ni. An hawiher a zawi mai ni lovin,  
an ngaihtuah naah facilities te pawh a tam zawk mai ni  
lovin, a aia thui zawka an kal theihna turin, siam sak  
an ni a. Keini chu engnge maw kan han ti dek dek a,  
tam ta luttuk an ti a, Sorkar Officer-ten nangni zawng  
in thu-in in thu a ni a, in siam a, in pung mai alawm  
an han ti a, thu thu nih laia kha kan lawm viau va, a  
pung nihna laia kha kan zuk in thlahrung leh si a ni a.  
Hei hi kan in ngaihtuah chian a ngai hle a ni. Hei  
M.L.A-te chu bial kan fan dawnin ke chuan tumah Motor  
kawngah chuan kan kal peih tawh lo a ni. Khawbung  
bial M.L.A-te, Ngopa bial M.L.A-te hi Zarkawt atangin  
emaw Bawngkawn atangin emaw ke in kan chhuak peih tawh  
hauh lo a ni a, Motor kan hman a ngai a, tin, kan hman  
a ngai mai ni lovin kan hmanna tur pawh a tamin a thui  
hle a ni. Tunah hian Khawbung bialte, Ngopa bialte chu  
a khaw hmasa ber Jeep-a han kal turin Jeep hire tur  
zawng teh u, a hniam berah Rs. 1200/- a ni a, chumi  
atanga khaw (22) sawmnhih leh pahnih han fang chhuak  
tur chuan Rs.3500/- hi a tam lo teh asin. In lamah chhung-  
ten chaw an lo nghei thei bawk silova. Tin, kha Motora kha

chutiangin a kal mai thei lova Jeep road a ngai zel a. Tin, chumai a ni lova, kan kal na-ah mi thlan kan nih a vangin min thlangtute zinga kan aia rethei tam tak an awm a ni. Chungte chu tanpui kan duh a, Sorkara tanpuina dil sak turin min ngen thin a, chu chu tamtak kan tihsak lain, tam tak kan tih sak thei loh avangin, keimahni in kan theih ang ang tihsak an ngai thin a ni.

Tin, chumi aia changkang deuh Aizawl a lo kal te kan Bial mipuite leh kan Bial lo a mi te pawh, M.L.A. kan lo nih ve takah chuan mikhual kan lo neih ve a ngai a, chung ho ei tur te chu kan ngaihtuah a ngai a; an eitur mai ni-lovin an riahbukte pawh kan ngaihtuah a ngai a. Tin, chungte chu a la awlsam lai a ni a, a aia harsa zawk a awm a ni, mihringin vanneih kan duh a, hrisel kan duh a, hausakte pawh kan duh nawmsak kan duh a ni. Mahse kan duhthusam angin kan awm thei lova, damna zawngin khawpui ah an rawn kal a, mahse vanduai thlak tak in an boral thin a ni. Pu Speaker, min hriatpui hauh lova, nimin thleng khan kei chu motor ka nei hauh lo a ni; ka Biala mithi an awmin han dah a ngai sia, ka motor ka phawn chho a ni. Chutihlain kan hlawh atam lutuk tiin in au a, athenin nuam kan leng a, kan nupui nau te thlengin ZRG nen, ZRG mai pawh ni lovin HRU-Gypsy nen kan len tir a, a dik tak chuan mipui hmangaih chu sawi loh, kan memberpui te dinmun pawh hi kan hriatpui chiah lo, chuvangin kan hlawh hi a tam awzawng lo a ni.

Tin, kan bial mipuite mai ni lovin, member thenkhat ten an sawi angin, Aizawl a mi ka ni a, Aizawl-ah hian kan bialte bakah thenawm khawveng kan la nei leh a, damlo mithhi a tha lam a lawm tur te a awm a. A dik tak chuan M.L.A. leh Bialtu Pastor chu an phut ru ni lo mahsela tel ve tur ang a ngaih an ni a, a lawmawm khawp mai tia kal san mai chu a harsa khawp mai, a nei deuh in Rs.20/- note an phawrha, a nei lo deuh in Rs.10/- note, a nei lo lehzualin Rs.5/- note an phawrh a ni a, kha kha nitin thil ang deuh thaw a ni a, kan ti thei a nih ngai chuan, chutiang te a nih avangin kan hlawh hi a tam awzawng lova. Tin, hei sorkar hmasa khan rem tha tak a ruat a, Car Loan leh housing loan-te nuaih khat ve ve in a lo ti a, hei hi a lawmawm hle a ni. Amaherawhchu in chhut nei em? nuaih hnih loan la ila, kumnga chhung a kan rulh dawm chuan, he loan pahnih kan puk a hi, thlatin hian in Rs.3,300/- a interest tel miah lovin kan pek a ngai a nih chu may le, chuvangin hisap nei lova kha kha rul leh thei si a ni, a, Rs.3,000/- kan la bawk si anih chuan khawi atangin nge pawisa kha kan hmuh tak ang, engtinge kan hmuh ang, kan hmuh loh chuan, a theih bawk si lova, chungte chu kan ngaihtuah ngun a ngai khawp in ka hria a. Tin, nichina Parliamentary Affairs Minister-in rawn sawi fiah sela ka tih kha. 13'A' a kan belhchhah tak Chief Whip tih chungchang kha Ruling lamin an sawi tih deuh niin ka hria a, hei hi kei chu thil lawmawm a ka ngai tlat a ni.

Facilities hi a tam thei ang ber Member-te chu sawi loh kan hotute chuan an hmu ngei ngei tur a ni. Chief Whip a nihnaah hian a pawimawh em em a, Minister anih loh chuan tih chauh a ni reng a, Minister pawh ni thei tur anga ngaih a ni a. Chutiang a nih chuan In luahman tur pawh hi Minister-te leh Speaker-te flat Rs. 5,000/- kan tih theih chuan engahnge Rs. 2,500/- kan zuk tih sak kher, Minister-te luah aia nuam lo hret-ah aww rawh se kan zuk tihna ang a ni tlat a ni. An luah chanve tiat chauh luah theih in Rs. 2,500/- kan zuk ti thei a. Tunge ni kan Chief Whip, tehkhin nan Pu Liansuama-te ni ta sela, Pu Liansuama hi zawng Pu Ruala-te chenna ang tiat tiat a cheng ve tlat a ni lo ve, kan zuk tihna ang a ni a, a pawh khawpin ka hria hei hi Rs. 5,000/- ni ve zawk sela.

Tin, vehicle-te pawh hi hire leh eng eng emaw tih ngai lovin, vehicle hi entitled a ni tih nghal tawp mai kha a tha in ka hria a. A chhan chu Chief Whip a ropui chuan a hnuala mite pawh kha, an ropui mai a ni. Chu chu ka thil hmuh dan a ni a, kan hlauh hi tamin kan sawi thin a. Tin, kan T.A hi in sawi tel lova, kan personal attendance hi Rs. 800/- kan hlauh tir a, Zoram sawrkarah chuan Master Roll rate chu nikhat a Rs. 28/- a ni lawi a ni. Hemi Assembly a member-te hian, Mizoram dan kalhin personal attendance kan ruai a ni tih hi a hria em ? Pu Speaker Rs. 800/- an hlauh thei lo, Rs. 28/- hi hlauh hniam thei ang bera, sawrkarin a bi thliah tawh a ni a, thlakhatah. Engatinge Rs. 800/- an hlauh a tlem berah Rs. 840/- a ngai a ni. A dik tak chuan dan bawhchhia sa hian hotu kan aww hlauh thin a, kan officer-te dan bawhchhia pawh hi sawi sel a rem chiah dawnin ka hre lova.

Tin, kan hlauh hi a tlem dawn a, a ang leh vak ang chu in ti a, mahse Pu Speaker a tlem dawn miah lo. Hei he corrigendum hi Pu Speaker tukin a rawn dah lo pheii ula chuan, ka buai hle a, ka han en thin a ka buai a ni. A chhan chu facilities tih zawng zawng hetihlala amended form a, kan hotuten in rawn tih a hi Rs. 1,000/- hi a tel dawn a nih loh chuan, Rs. 1,500/- in hlauh a hniam tur ang a ni a. Tukinah nizan lama hrechhuak an aww vangin emaw, hei hi rawn thil tel a ni ta hlauh va a lawmawm khawp mai. Telephone leh Electric connection nei lo tan chuan kan hlauh kha Rs. 2,500/- in a hniam sa ang a ni. Chuvangin hei hi in rawn ti tel leh hlauh va a lawmawm a, hetia a tel rau rau si chuan, kan han in sawi vak a, revenue pe belh ta teuh anga kan han in sawi a, in chhut chiang leh ang Pu Speaker, Rs. 1,000/- kha kan dawn pang ngai kan dawn dawn si chuan, pheik nga-na kha han en ila. Tui-ah khan, water charge-ah khan Rs. 30/- chauh min charge a, a tam lo hle a ni. Electricity-ah khan 300 unit min phalsak ta tlat a, 300 unit chu cheng 300/- vel a round up ta mai ila Rs. 330 a ni a. Tin, Telephone call-ah khan Rs. 5,000/- quarterly a nih chuan, thlakhata Rs. 1,250/- vel a call theih tihna a ni a, chu chu a tlawm thei ang berin Rs. 1,000/- chin chu a tlawm thei ang berin Duli (50p.) angin lo chhut ila, Rs. 1,250/- kan

han tih khan Rs. 650/- vel a lo ni a. Khatia han tih khan a hma ai khan Rs. 500/- paih a kan in sawi khan, Rs. 580/- in he hlauh hi a pung a ni. Chuvangin lungngaihna tur a a awm lo, amaherawhchu kan thu kalpui dan chu ti tlem tur sawiin kan sawiho a ni. Kan hlawk hlauh dawn avangin a lawmawm khawp mai kan hlawk dawn a, revenue saving tura nuaikhat leh singruk leh sanghni ah kan in sawi a kha fevenue nuaikhat leh singriat leh sangsarih leh zakua leh sawmnhihin kan lost dawn a ni. Engpawhnisela, facilities in pek that hi a lawmawm a, vawiin nia Pu Speaker, kan hotuten thil mawihnai tak ti tlem tur anga heta tanga in sawi a, kan hlawk zawk tur a hi chu pawn lam-ah pheh chuan sawi ngam chi a ni lova, lawmthu han hrih mawlh mawlh hi ka duh a ni.

Ka lawm e.

PU SAIKAPTHIANGA : Pu Speaker, vawiina kan thil sawi hi sawi tam tehchiam ngaiin ka hre lova, pass mai a tha a, a sawisel tur bera kan ngaihin lawmthu a rawn sawi tawh baw si a, pass vat mai thain ka hria a. Tin, a lawmthu sawi dan kha lawmthu sawi dan danglam tak mai a ni a. Thil hi chhut thiam a ngai a, Electric a unit chuti zat tih kha, ka hman zewh tur hrim hrim tih kha a in ziak tel lo a ni. Chuvang chuan a loh theih lohvin, mahse an la vek si a, electric an khan mithiam fal bik hle annih loh chuan han hman zawh mai ngaihna a awm lo a ni. Telephone-ah pawh khan khotiang calls zat kha a tum hrim hrim anih loh chuan kan hman zo lovang, amherawhchu, eng emaw special case bika heti thin hi chu nisela, tihna ang a ni. MNF Sorkar laia an siam nen a danglamna chu hei hi a ni, MNF-ah kha chuan a pawisa fain lak a ni tawp mai a. Entirnan, Telephone nei hman ngai lem lo emaw, a nei lo pawn a pawisa khan an dawng tawp mai a, chulaiah chuan nasa takin Sorkar a hek a ni.

Tin, electric chungchangah pawh tupa a rawn sawi point-ah khan ka rawn hnihl duh a, helaiiah hian saving tam tak a awm a ni tih chu kan chiang tlangin ka ring a. Tin, hei kan hlauh a tlem mai bakah hian T.A chungchangah namen lovin Sorkar hian pawisa e save dawn baw a. MLA-te hi rethei te te vek kan ni a, a tam chu kan duh a ni. A harsatna a sawi zawng zawng kha ka hrethiam a, ka tawn ve vek tho a ni a. Amaherawhchu, hetia Sorkar ang leh, Sorkar hotu anga kan han ka hian ngaihtuah tur tam tak kan nei a, Sorkar hmasa khan House-a kan luh ni atangin MLA-te leh Minister-te hlauh tihpun chungchang kan ngaihtuah a, kan tipung ngha a, keini ang tan chuan lawmawm tak a ni. Mahse chutihi chuan kaihnawih thui tak a nei a, vawiin ni thiang hian Sorkar hnathawk zingah pawh, hlauh chungchang hi titi tam ber a ni chho ringawt mai a. Chuvangin kan sawi tawh ang khan facilities hi kan mamawh a, amaherawhchu, mi state, keini state aia hausa zawk, keini aia state



changtlung zawkte MLA-te dinmun nena kan zuk ngaihtuah khan a tlem ti chung chung pawh hian mi State MLA-te keini aia bial zau zawk, keini aia bial mipui tam zawkte pawh an enkawli theih chuan, helaiiah hian Mizoram MLA-te pawh hi he dan chhungah hian pawisa heti zat chhungah hian kan in zir ve-in kan tum ve dawn lawm ni ? tih kha Sorkar ngaihtuahna, hotute ngaihtuahna lo chhuak niin ka hria a. A lehlamah a tlem a, lehlamah a tam tih kha chu chhut a i chian duh chuan a tlem chiang a ni. Chuwangin tam tak sawi tur awmin ka hre lova, hei pass mai ka rawn rawt ve a ni e.

Ka lawm e.

**S P E A K E R** : Aw le, i sawi dawn tho a, i rilru a i hriat atan, Telephone calls tih kha quarterly atana tih a ni a, thla thum c chhunga tana tih a ni. Kha kha thla khat atan ni lovin i ngaihtuah palh a ni.

**PU LALHUTHANGA** : Pu Speaker, hei vawin ni ah duham takin kan Hall chhungah thu kan sawi a, a lawmawm ka ti a. Tin, hei vawin ni a MLA-te hlawn chungchangte, pension chungchangte, leh allowances te pawh vawin niah mumal takin tunhma Sorkar ina a pawisa faia lak ringawt ang chi te, Parliament Member tena an enjoyed ang thin te a, dan fel fai tha taka siam theih tur leh State dangte kalphung ang deuh va kan rawn kal theihna tura kan Minister zahawm takin a rawn pulut hi lawmawm ka ti a. M.P-te khuanin kan bill helaiia kan ngaihtuah tur ang deuh bawh hian, tui, electricity leh telephone-ah te pawh khuan facilities an enjoyed tih kan hria a. Telephoneah hian ka hriat sual loh chuan kan MP-te khuanin hetiang quarterly hian calls singkhat leh sangli vel an nei niin ka hria a. Amaherawhchu, helaiiah hian MP-te tluk lo mah ila, sangnga kan han hmu hi lawmawm hle dawnin ka hria. Nichina kan Member zahawm takin a rawn sawi tak kha hetiang a bill siam reng reng hian hemi a target ding tel lo hian mawl taka siam palh hi hlauhawm hle a, helaiia telephone ah te, electricity ah te a ceiling an han siam chhuak leh zela pawh hi lawmawm ka ti a.

Tin, Pu Speaker, tun Sorkar hetiang a rawn din hian Mizoram mipuite tana chhenfakawmna leh ropui em em nichina Kawnpui bialtu zahawm takin a rawn sawi chhuak zauh va. PC Sorkar lai te, MNF Sorkar lai te chuan House-ah committee sawm chuang lai kan nei a, he House hian chungah chuan Member engemawzat pakua te, pasarih te, paruk te an awm nual thin a. Tin, chutiang bawkin Assembly Session hian TA chungchangah hian mahni awmna, mahni hial constituency ah hian rawn

kalin, sakawr chungah te chuangin, mi motorte hire-in, puakphur pali, panga-te ruain, dawt bill a tam thin mai a ni. Amaherawhchu, 1984 kum a Congress party a Sorkar khan, kan House Leader chuan engpawh nisela, Aizawlshkan awm theuh va, heng hi i tireh ang u. Aizawla mahni In nei chin chuan mahni Address dik tak i hmang ang u a ti a, tahchuan keimahni bial a member pawhin Dawrpui Vengphar a awmin ka in ziak a ni. Tin, chutiang bawkin Sorkar dang pakhat 1987 kum khan a rawn chhuak leh a, MNF party a Sorkar a. Chu chuan anmahni Constituency-ah khan Address nghet pe-in dawt bill an siam fo thin a ni. Chu chuan kan Mizoram pawisa hi nasa tak a ei thin a. House committee nihnih chhung lek an han thut pawh hian Rs. 4000/- emaw Rs.5000/- TA an bill thin a ni. Chu chuan kan Mizoram pawisa hi a ei nasa hle a ni. Tin, chutiang bawkin House Session ah pawh hian in, Assembly Session-ah pawh hianin chutiang ang tho a ni. An Committee nihnih, nithum vel lekah cheng sang tam a ral thin a ni. Tunhma chuan 1987 hma chuan TA hi Rs.45/- kan la thin a. 1987 Sorkar khan TA hi Rs.100/- an han ti leh ta nghal a, chutiang chuan Mizoram pawisa hi nasa deuh mai hian a lo kal ral thin a ni. Amaherawhchu vanneihthlak takin Congress party Sorkar a rawn ding leh ta a, chutah chuan kan House Leader-te remhriatna-in, mahni awmna dik tak Mizoram pawisa dik lova kan hman lohna turin, mahni awmna dik tak Electoral Rolla kan chuanna hmun ngei, chu chu Address kan siam tur a ni tih a han ni leh ta a. Heta tang ringawt pawh hian Mizoram kan enkawl dan te, Mizoram tana kan in pek zia te, hei hi in hmuh theih hlein ka hria a. Vawin niah hian he Sorkar hi current emaw, pawisa te ei duak duak tur anga kan han in sawite hi zawng, kei zawng hei hi a dik thlawtin ka hre lova, chuvangin 1984 a Sorkar kal dap kha tunhnu-ah pawh tu Sorkar pawh ding se, rawn thah chbe lovin, Mizoram tan hian inpekna in i khat ang u, tih hi member tin hnenah leh lo kal leh zel tur hnenah pawh ka ngen a ni. Tin, hei kan han sawi ta tliar tliar a, kan sawi tam bawk viauvin ka hria a, heng nimin lama kan ngaihtuah tak Speaker te, Minister te hlawh leh In an lo luah leh anih pawhin Rs 1000/- a hniam an hlawh Rs. 500/- a tihhniam tih hian vawin niah he House hi a chawimawi a, he Sorkar hi a chawimawi a, Mizoram mipuite tanah pawh a thah tawh hle nin ka hria a, pass phawt mai hi a thain ka hria a ni e.

Ka lawm e.

PU DR. H. THANSANGA :  
MINISTER

Pu Speaker, he Salaries, Allowances and Pension bill a member zahawmtak tak ten thu tha tak tak an sawi a, member te kan

harsat dante pawh a in ang hle in ka hria a, chutihlaja hlawn thittem han rel tak tlat mai chu, kannei chu nise thudang, a nei deuh te chu kan awm ngei mai thei a, mahsela kan neihdan a in ang love, harsa te te kan tam si a, han ngaihtuah chuan a awmlo hle a ni. Miin hlawn tam an duh a, sorkar an nawr tlut tlut a, chutihlain hotihlaja ram rawngbawltu tura in pe te, senna leh hmanna tam zawk mahsi, cautiang karah chuan he thil hi rawt ani ta tlat a, a mak hle reng a ni. Mahsela helaia atum sawi tawh ang khan a tum a chiang viau va, kan sum lakluh te hi a tlem si a, mipuite harsatna te ngaihtuahin keini hian kan nei tihnani lovin, hei hi tih tul in kan hre tlat a, mipuite entawn tur kan ni tih hre rengin kan hotuten hei hi tih an rawt ta tlat a ni. Chuvangin sawi pawh a hlawn a, sawi tlok pawh a ni reng a, engpawh nise la sawi lo te pawhin sawitur tam tak kan neiin ka ring a, thutlar point tlar dangte pawh a la awm mai thei a, mahsela chu chu kan ngaihtla hman tawh lovah Pu Speaker, kan ngailo thailo eng a.

A pawimawh zual kan member te sawi atanga kan chhinchhiahte kan sawi lang anga. Hei section 4-na ah khan Amendment siam a ni a, section 4-na ah Amendment kha a member shall be paid Constituency Allowance of one thousand per mensem, as he shall be entitled the Contingency Allowance of one thousand per mensem tih kha a ni a. Tahkhan a hlawnpui nen Rs. 3000/- a lo ni dawn ta a ni. Constituency Allowance ah Rs. 1000/- Tin, Contingency Allowance ah Rs. 1000/- Tin, a Salary tak tak ah section II na a mi kha, ani love. Tichuan Rs. 3500/- anih na ahin Constituency Allowance Rs. 1500/- kha, Rs. 500/- kha paihin Rs. 1000/- a lo ni ta a. Rs. 3500/- kha Rs. 3,000/- a lo ni ta a. Chu chu pawisa faia dah tur chu a ni ta a ni.

Tunlai sorkar hnathawkte hlawn pay scale ringawt pawh group 'A' hnuai berin Rs. 2200/- ah an tan a, a dawt leh a kaina chu Rs. 3000/- ani tawp mai a, Rs. 2200/- leh Rs. 3000/- inkar ah scale a awm miah lo, Rs. 2200/- an kal pelh tawh chuan Rs. 3000/- ah a zuang chho dawrh ringawt mai a ni. Chuvangin Group 'A' la senior vak lo te, an hlawnpui Allowance engmah la tel miah lo in an starting pay ang chiah kha member ten kan hlawn tur a ni a. A tam lo hle a ni, chutizawnga ngaihtuah chuan sorkar hnathawkte hlawn pun dan ngaihtuahin, Rs. 3500/- pawh hi a tam hauhlo, Rs. 4000/- pawh hi a tam hauh lo, Mahselang in a tam emaw a tlem emaw a in a tihna rilru kha a pawimawh a, mipui mimir, a nawlpui ngaihtuahin leh kan sawi hnarte a la chauh zia ngaihtuahin, hei hi a tul ani tih ngaihtuahna vang ani mai a. Chu chu thu khat a ni a. Tin, member zahawmtak Pu Zosiana khan hei hi a tlem chuang love, a tlemna hi lehlam ah a tam zawk, Rs. 580/- lain a pung a lawm a rawn ti a, hei ber hi chhut ngun a ngai reng a, section II-ah khan facilities a sawi ta a, chu chu a maximum zela chhut chuan Rs. 580/- in a lo chhut tihna a ni a, mahse member zahawmtak Pu Saikapthianga

khan a rawn sawifiah a, a lawmawm hle a, hei hi a awmdan ania, tui fee chu thlakhatah Rs. 30/= a ni tawp mai a, an pun zel dawn nge ka hre love, metre system hian a la kal chuang-lova, Rs. 30/= kha kan pe ang a, kan pakra receipt kha sorkarah kan theh lut anga, re-imburse tur a ni leh mai a.

Tin, Electricity hi thlakhat-ah unit 300 sia tam lo re-imburse theih a ni a, unit 400 anih chuan unit 100 kha amahin a pe dawn tihna a ni mai a, chu chu a hmangtu zir a ni ta a ni. Unit 300 hi kan hmang ang nge hmang lovang tih tuman kan sawi thei love, a chonin kan hmang anih pawhin kan hman loh thla a tam ve tho thei a, chuvangin hei hi a ceiling (0 maximum siam ani mai a. A then in unit 300 kan hman lain a thein unit 100 chauh pawh an hmang thei a. Electric Bill hi a tam her visu ani. Dik taka bill chuan tunah hian a rate ka hraitseul loh chuan unit khatah 70 paise vel a ni a, unit 300 maximum hman anih chuan Rs. 210 ani chauh va, Rs. 210 chu a hun taka pek chuan 5% rebate a awm ve leh a, Rs. 210 a tling dawn ta love, kha kha a maximum hman thlen pawhin a ni chauhva. Mahse unit 300 hman hi chu a harfu a ni, kan hmang lo tih theih a ni. A tlangpuiin unit 70 te hi kan hmang dau ber a ni a. Chuvangin helbi atama kan han dah kha a Whuap zo tur kan dahna a ni mai a, a hmang lo tawp te pawh a awm theih hial mai thei a, chuvangin hei hi chu a pawise zawng chuan a chhut theih loh a ni. Chu chu a awmdan a ni. Chuvangin kan hlawh a tlem kan ti a, a pung zawk alawm tih te kha chu inghahna tlak a ni lo reng reng a ni.

Tin, telephone pawh hi calls 5000 tih a ni a, 5000 hi quarterly tana nih chuan thlakhata 1666 ah nai ta ila, chu chu nitin calls 56 tihna a ni. Chau rawn ei tawh rawh u tih nan te eng eng emaw nan te kan hmang zel dawn anih loh chuan tam tak hi chuan nikhatah calls 50 hi kan her peih lovang, chu chu pakli hisap pawh hian a chhut theih a ni. Amaherawhchu a maximum kha siam a ngai ve a, MP ho chuan call 25,000 an free a, MLA tan chuan call 5000 ah kan ti thla a ni. Chuvangin MP a awm em chuan kan hmang love, anni chu tam mahse a awm a, Delhi ah te chuan an hmang tam deuh ngei ang a, mahselenia a khuh zo ngei tur deuh kha ngaituah a ni a. Entire member zahawm tak Pu Manghnuna chuan phone a nei teng reng lo, a hmang dawn lo. Chuvangin a ai pawise in te mai ila tih te pawh sawi a ni tih te pawh sawi a ni. A neilo na na kha chuan a chhawr lo ni mai rawh se, a sia pawise dah leh zel kha zawng a tha love tih a tle ta zawk a, phone kan nei vek love, a nie lo chuan cheng khat mahin a hlawkpui dawn lo reng reng, chuvangin a hlawh chu a tlem onih nak lovah. Chu chu kan chhut dan tur a ni a. Member Hostel-a awm te tan chuan a ma in a nih loh avangin dan pangngaiin a kal a, an free mai a, chuvangin helsia hlawhtih tlem ni si a tlem tak tak lo a ni tih ang kha a dik theih loh dan kan sawifiah duh mai a ni. Tin, state danga MLA te facilities that sia kha kan member zahawmtak tak te khan an sawi a, keipawn ka zuk study ve viau va, state hrang hrang ka tlawh a, an tihdan a in ang vek lo. State senior deuh U.P ang te khu chu inpe tha tak an ni. An hlawh chu tlemte an tilang a, income tax pumpah an duh a, a hlawh lama lang vek silovin lehlamah an ti teuh mai a ni. Kan entawn vek ang ka tihna silovin anni chu State house State puitling tak tak anni

tawh a, an changlung tawh a, chutiang em han er phakin kan tlin ve e tihna ni lovin, tunang khawsak harsat lai hi chuan ziaawm deuh hlek a kan tih loh chuan, nichina member zahawmtak Pu Zosiama sawi ang khan Loan lak thu a, a rulhna Rs.3300/- a lo ni a, a khawia kha nge ei tur ni tta ang, han sawi sela teh ang tih kha a awm a, kha kha hetia kan ngaihtuah vang vang hian a corrupt mai dawn nge, kawng dang kha a zawng vat vat ang a, abial lampawh ngaihsak hman lovin, a ma hnalama ah a bur dawn tihte kha mi zuk ngaihtuah tir thei rum rum a, khatiang kha a ni a, chuangin facilities pek thu ah hian mipui pawhin kan memberte hi an itsik lem lovin ka hria, kan rettheih zia, kan harsat zia te hi kan in hretlang vek a, Mizo phei chu tlemte kan ni a kan in hretlang viau va, politic thil ah hian inchirh theh nan leh engemaw thil a lian kan in ti ta vak thin zawk a, a tak tak han in chhutpui hi chuan, inthlahrung tak chung a tih ni mahsela, inthlahrung ngawt theih lohna lai kha a awm ve a ni, member te sawi kha a dik hle in ka hria a.

Tin, Government Chief Whip thu kha Chief Whip hi chuti taka chiangkuaanga tihna a la awm lova, chuangin tuntumah hian duhtusam nilo mahselangin tiin quarter provide nisela, kan provide theih loh chuan Rental charge pek nisela thlatin Rs.2500/- in. Tin, motot pek a ni a IV Grade pakhat pek a ni bawk a, hetiang hian siam phawt a ni a. Minister ang tho a tih tur a ni tih kha kan ngaih dan dan a la ni zel ang a, hei hi chu State hrang hrang tih dan pawh a in ang vek lova, hei hi dana ni e tih ngei ngei tur a ni e, tih a awm chuang lo, chuangin hetiang hian tan phawt mai ila a tha ang e tih a ni mai a thlatin Rs.2500/- Rental charge a ni ta a ni.

Tin, Government ruling ah hian Minister te pawh an tang thei thora, Minister anga facilities dawn rin nghal a ni leh mai a, chutiang chu Whip chung changah chuan a awm dan a ni. Whip hi sawi ang khan a pawimawh em em a, tuna keini House ah te phei thuan a la ziaawm a. House lian tak takah whip hna hi pui deuh mai a ni a, an tul em em thin a ni. Chuti khawpa pawimawh chu a ni a, an nin a pawimawh zia leh dinhmun pawimawh zia an hria a ni tih entirnan, hetiang facilities pawh hi pek an ni a, hetihian ruahmanna a lo awm ta a ni.

Tin, kan sawi leh duh chu, member zahawmtak ten an sawi, facilities dang kha a ni a, Protocol chungchangah hian member te official a zin an nei zeuh zeuh a, House Committee-a Financial Committee phei chu an zin zinga, chungah chuan Motor thua harsatna a awm thu te pawh kan hre thin a.

Ton, phailama zina, Mizoram House-a thlen turte, Inspection Bungalow a thlen tur te official hovina an lo enkawl danah sawi neuh neuh a awm thin. Belai ah hian Protocol maintain tur a ni a, hei hi lo hman dik lo te an awm a nih chuan a sorkar fellow lampang ni lovin, sorkar kutke te ngaihdan a lo tel ve thin a ni ang tih a rinawma. Protocol a awm a tah chuan member te status leh order of precedence a awm vek a, an status nen a in mil a tih tur a ni a. Chu chu officer te, Mizoram house mi emaw Inspection Bungalow a mi emaw, a nih loh leh Protocol officer te emaw, khatiang ho kha, hretura ngaih an ni. Tin, an hre lo a nih chuan a hrilh tu...

turin a hrih lo nge ni ang ? Engpawhnisela, dan kal-  
hman a awm sa a, chuvangin helaiiah hian memberte an  
nihna ang taka kan enkawl hian, kan ram, kan hnam, kan  
Assembly, kan Sorkar kan chawimawi a ni. Kan Sorkar-  
te pawhin an hriat a tul hle a, chu chumember zahawm tak  
ten kan chawikan a tul hle a ni. A mimalah chuan MLA-te  
chu kan kawmthlang pa a ni mai a, eng chu a ni chuang  
lo, a vun a ngo ta thut a, a hmeltha thut pawh a ni lo,  
a fing thar thut pawh a ni lo, mahse inthlang ram  
Democracy lalna ram kan ni a, mipui tam berte duhthlan  
chu MLA-te hi an ni tlat mai a ni. Chuvangin mipui duh  
dan luan khawmna mihringa kha danglam thar thut lo mahse  
pate deuh pawh nimahse leh kan aiin chung bik lo mahse-  
langin, a term hun chhung na na chuan mipui duh dan lalna  
a entirna symbol a keng a, chumi zah lo chu Official  
pawh ni \* rawh se, engpawh ni rawh se, a nih tur ang a lo  
enkawl lo kha chu a thiam lo hul hual a ni. Hei hi kan  
hriat a tul hle a ni. Mipuite pawhin an hriat tlan a  
tul a, Sorkar hnathawkte pawhin an hrechiang tur a ni.  
MLA-te pawhin hemi avanga in tih lal tumngawt chi a ni  
bik a nihna tur ang taka in-enkawt tlan hi kan lungawi  
tlang mai a ni. Hei hi a pawimawh hle-in ka hria a,  
memberte pawhin an ngai pawimawh hle a. Thil fel lo  
tunhma-in a awm thin anih pawhin Delhi a ni emaw, Shillong  
a ni emaw, Calcutta emaw a nih dan tur ang thlapa kal tir  
kan Officer te an zin anih pawhin, MLA te thlenna tur  
tibuai lova, MLA te chu an nihna phu tawk anga enkawl  
hlawh lova an awm chuan a dik lo hrim hrim a ni tih he  
House hian a pawm ka ting a. Kan ngaih dan anih theuh  
ka ring bawk.

Aw le, chung neuh neuh chu lo tawk  
mai selangin, hei kan bill hi sawiseina nasa tak a  
awmin ka hre lova, a lawmawm hle a, hlawh tihtlem tih hi  
remti lo kan awm lova, chu rilru chu ropui ka ti a, a  
lawmawm hle a, a puluttu nih pawh a nuamin ka inchhuan  
phah hle a ni. Thiltih nuam tak a ni huphurhawm tak  
anga lang si, thil lawmawm tak niin ka hria a. Chuvangin  
he Mizoram Salaries, Allowances and Pension of Members  
of Legislative Assembly of Mizoram Amendment Bill, 1989  
hi kan sawi tawh ang khan he House hian min pass pui  
turin ka rawn ngen e.

S P E A K E R : A lawmawm hle e, in sawi  
chiang viau ta a, tunah hies  
clause pakhatna kha chu ka  
hriat angin, short title and  
amendment tih kha dah hnuhnun a ngai thina, chu lo au  
clause pahnihna, pathumna, pali-na, panga-na, parukry  
leh pasarihna, clause pasarih nei a nia tuna kan bill hi,  
chumi tlangpui chu kan hre theuh tawh a. Tichuan clause  
2,3,4,5,6,7 chin hi kan passed ang a, pass remti sawngin  
remti ti rawh ule, (member-in remti e, an ti a.

Tah-chuan clause pakhatna pass remti zawngin remti ti rawh ule, ti lo in awm em? (member in rem an ti vek a) Tichuan Amendment bill The Mizoram Salaries Allowances and Pension of Members of Legislative Assembly Amendment Bill, 1989 chu lungrual taka passed a ni e. Memberte in barsatna kan hrethiam em em a, mahse kan in daih loh zia hi tlang hriat a ni a, sawi a ngai lova, chuvangin khawngaih takin a mamawh zualin rawn sawi mai ula, mahnia ngaihtuah thei pawh in awm tih kan hria a. A mamawh zualin, in mamawh ang ang kha a hun leh in kal duhna hmun sawiin, hetah Secretary a nia maw, Deputy Speaker emaw ka hnenah emaw in rawn sawi ang a, hemi Aizawl khaw chhungah chuan kan theih ang tawkin hemi Session chhung na na chuan kan tum ang a.

Tichuan wawiin a kan tih tur kan zo leh ta a. Ninga ni tahrik ni 23 dar 10:30 a thu leh turin tunah i chawl rih ang u.

House adjourned at 12:10 PM.

J.K.Khenglawt  
Secretary.